

玄上關萬炁齊清入希夷門

玉清无極總真文昌大洞仙經卷之三

玉清无極總真文昌大洞仙經卷之四 各

東蜀蓬萊山中陽子衛琳註

元始天王曰文昌大洞仙經卷之四 癸未甲申資判

元炁生炁炁其色玄為北方五陽水炁凝

成天境號寂然究術天劫號關皇此天精

萬太陽之炁主洞房官帝真堯命元陽尸

冥演由之炁生七鬼

太真統九炁

太真太玄一也即玄元始二炁生九炁一

云太玄九炁上下卷九章云太真九光輪

光即炁也統九炁以生萬神也

洞景寄神通 洞陽之館為真仙煉魂之所

絳宮光景為神明寄跡之舍通者出入無

常孔子操則存舍則亡出入無時莫知其鄉

玉帝乘朱霄

玉帝君乘朱霄之輿以統御萬靈朱霄一

名丹霄一名絳霄此名上田泥丸有玉帝

宮總制人身之萬神萬炁之主

綠霞煥金甍

甍者築土壘壁以為小城又曰堂中北墻

也言玉帝入城威儀青綠霞被煥爛金甍

中卷五章云披朱中綠霞同義

上館雲珠內

自兩腎上來脊透雙關入泥丸之時惟一

光明之珠雲珠者五雲之珠五雲者五臟

所化之炁也雲珠則玄珠宮也

仰接无刃峯

玉京山之頂上玄虛无有尖刃此言人頭

直上亦接玄虛无刃空洞寥廓之景西北

崑崙山有金城玉樓人頭是也

靈關太溪下

靈關三關即上中下三田冥漠无朕虛曠

幽玄之下蓋上无復色下无復濁之謂也

雙腎間皆謂北陰鄭都幽陰境

霜沫竟冲空

真炁薰蒸上冲空洞之中言人至大至剛

之炁充塞天地之外无窮无極之所霜沫

者皆祥煙慶雲之屬冲者和也

冥化混離坎

人所不見則曰幽冥故坎水離火二炁交

會故曰晦冥變化者混合水火之道也丹經云取將坎位中心實點向離宮腹裏陰故知水火乃道之真體也伏羲先天水火乃文王後天日月也其名異而實同仙輩云此竅非凡竅乾坤混合成名為神炁穴內有坎離精卦名但提要而已蓋坎離為萬物之母也其他卦類而長之无不備誦之者六位已升體變純陽鍊化紫金升入金門六位者六爻也坤變乾至第六為純陽全體坎離乃文昌之要

○ 玄玄叔火王

上元玄父隱名叔火王字左回明玄父者道父也或云叔火生考之下卷十四章作叔火王今從王字出上清玉經

瑋寂高同生

上元玄母隱名高同生字右回光玄母者道母也瑋寂牝門也或云高同王既上句為王字此當作生字守玄牝門

元極保谷重

結中二神精魂者名谷重元極元盡也保

養也又曰黃寧童居於脾中宮戊己上掌水穀化之神披黃裳主黃庭中

圓塗無凝滯

一云無滯礙然不如凝滯尤妙圓塗者乃真中之一竅無凝滯者三官升降上下往來不息之謂道塗通則圓明

綺合有九重

真炁交合如綺羅之文其勢錯綜混合光景九重之厚真仙朝帝但見金光勃勃不見神容人修真鬼神唯見紅光

南拔七祖根

拔一云拔亦可南七火也拔拂也拂取七祖根塵必令清淨則九竅遂生九玄七祖皆在身中自己清淨彼自化生

西解累劫凶

西方屬陰以肺鬼主之鬼專引人情欲以墮凶靈非大洞解之縱經千萬劫盡无由解脫以此拘制七鬼總領肺炁

體矯萬精波

矯強貌身體強壯精氣潤澤也矯強哉矯

之矯萬精波乃北方之真水化為真陽之炁腎中起上至泥丸宮滴下心

神王攝十方

十方飛天神王風生炁也一云神生誤矣生神經神王之職非小而玉經令五老取俯仰於神王即玉輔上宰之職

大歸返胎轅

既已返胎更生大歸其所游之轅轅即无眾奕浮游轅車名取其運轉具炁不息之義歸者返本還源胎者聖胎也

三合乘天龍

三變列位三合成音形神已備乘龍而登天龍字有五龍龍山龍臺龍光龍琳皆同一義天龍乃天帝所乘之龍

右伴玉章天篆計一百字上鎮玄胎平育

天下統第一壘元德君
玄契曰誦之四遍根塵漸墮業網自解劫運不隨萬炁齊臨得自在門

元始天王曰

元始天王曰才魯大洞玉童第五乙酉丙戌復无妄五月生玉童玉童還是炁生景炁其色黃乃中央一陽上炁凝

成天境號波羅尼密不睹樂天劫號上皇
此天精靈上陽之炁主絳官常真臟腑命
元五仙中靈之炁生五臟

太微天帝宮

太極中有太微太微中有二十四真人專
主降神布炁生育之事人有中墮而不育
者蓋由太微之炁不接故難養

八浮入雲營

八載飛爽浮游來入五雲之營五雲五臟
也皆有金房玉室故曰營經云流響雲營
言炁運於五臟成一部音樂也

神宗理靈襟

中央丈人名神宗即心主也言神明宗主
條理靈臺胃襟也五神以心神為主而四
神次第降生以生五臟布五神

龍山秀玉京

龍水也在左為肝神曰无莢公子又曰龍
陽物也變化莫測言人之頭成形陽氣秀
盛而顏色悅澤仰接无刃峯同

金房鬱明霞

金房為肺臟有神曰白元尊神金華西方
太華元老所主金炁化成擁鬱明亮之雲
震言肺炁甚感薰蒸慈憐之景

九户朗高瓊

心有七孔以應七星下有玄札二竅以應
輔弼故為九户之瓊瑤明朗而高又曰頭
有七竅下部水火二竅通九竅

黃庭涉北元

中央脾胃黃庭云脾部之宮屬戊己故曰
黃庭涉北元者以其上通心竅有黃庭內
景外景經上下四方至此得中

元父左回明

三素三真上元玄父君字左回明守玄札
元父凡三見第八章云元父結胎仙中卷
第十章曰元父左回明見前註

朱晶啓明師

朱晶本名司命之神守心右白元洞陽帝
君名朱晶開啓日月三素之光明師一曰
白素君一曰陽精皆有兩呼

幽室登上清

太一名幽寥人之腎水上升與心火凝合
以上田為玉清中田為上清下田為太清
又曰帝皇太一重冥空字幽寥

四玄乘元禁

四靈青龍白虎朱雀玄武乘執元行之禁
令四天門王禁斷天門魔鬼母敢輒入道
家齋醮清旦則有命魔法以却不祥迎真
降聖人之五臟具四靈守之三合四玄五

帝六明七覺八景九光十真皆取十月聖
胎堅固脫爐換鼎之道蓋以肝為青龍肺
為白虎心為朱雀腎為玄武

長保五帝城

心肝脾肺腎為五帝城都五帝青帝曰彫
梁際赤帝曰長來覺白帝曰彰安幸黑帝
曰保成昌黃帝曰含光細

右件五章天象計六十字上鎮元明文舉
天下統第二壘剛色地上皇君

玄契曰誦之五遍永絕死炁浸茂生根萬
炁齊生得長生門

元始天王曰文昌大綱玉皇第六
六月生六腑六通四運丁亥戊子杏齋願

景炁生通炁其色碧凝成東北天境號洞
元化應聲天此天精寔元陽之炁主中丹
田宮帝真靈用命元高真冲融之炁生六
腑

紫精太无中

紫精天在太无空洞之中无色天界三清
所都之境在人則腦門是也亦曰天谷萬
神聚會之所太无者无色无象

三元上景衝

三元者混沌太无元赤混太无元冥寂玄
通元三炁在上景之衝言人之炁自上中
下田循環无窮復歸於泥九宮

秀朗大寶輝

大寶玉帝位也清秀光明言人之玄珠恒
赫即蒼胡胡黍米珠皆謂之大寶天真貴

重有光明輝映故曰大寶

昭昭扇帝數

一云眇眇遠大也昭昭顯著也扇動也言
玉帝登大寶而清光威儀扇動其中亦如
煉內丹光燄逆射於中宮也

伯史啓三素

命門黃庭元玉君名伯史原即三一神也
上一赤子中一元皇下一元王又名始精
字元陽一名嬰兒胎啓三素君

帝臨登玉虛

主宰之謂帝人身非萬炁无以育萬神然
萬神之中心為帝王心之所向萬神聽命
登玉虛者上泥九宮腦門是也

慶炁育五雲

五色慶雲祥煙捧擁玉帝東三南二同成
五北一西方四共之戊己五為本生數三
家相見結嬰兒五雲一曰五靈

司命神明初

司命乃宰制心宮之神名理明初心宮乃
神明之宅初者肇形也心腑是也虛靈知
覺人壽天皆應修心故曰司命

十華妙行仙

十方光華妙行圓滿證登神仙十華即青
華丹華素華玄華黃華瓊華金華綠華碧
華瑤華共為十華所修妙行

制魔生六明

六明者六根也在人則先生五臟後生六
腑臟腑流通為六明之府六腑者膽胃腸
膀胱大腸小腸膈通作六府是也

右件玉章天篆計五十字上鎮上明七曜

摩裏天下統第二壘皇德君

玄契曰誦之六遍六天大魔永斷兇鋒六
根清靜廣明發生萬炁齊先即得度世進
登仙門

元始天王曰文島大洞玉章第七
七月開心七數七通送已丑大過坎坎離元
是千

玄炁生融炁其色黑凝成西北天境號靈

化梵輔天此天精寔正陽之炁主元穀宮

帝真元府命元高仙洞笈之炁開心七竅

真陽帝賓老

禮天子祖而割牲跪以進匕待三老之禮
所謂養老乞言今真陽為玉帝賓老又正
一左仙名諱賓老又名仲成子

受事會玉皇

每聚會於玉虛以受玉帝之事如真陽之
朝泥丸也謂之點朝上帝法用紫河車白

尾間搬運入腦十二年成仙

滅魔除穢尸

魔王伏愿滅餓妖魔除其穢雜尸血之炁陽炁既生陰炁自滅理之然也魔者諸天帝王皆是試驗人心有无堅固

百司詣絳宮

人丹田宮謂之絳宮即心府也百關之神常詣此宮以聽命令蓋心為萬神之主萬神朝其所主萬事萬物之理在焉

逸宅丹玄內

安逸之宅在丹田之內丹田上一寸為玄丹宮在頭上見元神聚凝萬炁上歸逸宅玄丹之宮煉習陽神出入之門

五炁結十方

五方之炁即東方九炁南方三炁西方七炁北方五炁中央一炁亦如五臟之炁流通過滿身體內外无所不至也

七轉司命至

七返九還丹道成矣司命至者長生久視之道備矣司命即心神也又曰七轉召司

命七轉者七陽金炁遇火成丹

三回召仙公

三合成音所以召仙公亦神仙中公侯伯子男五等之爵也有太極仙公之類今仙公者即東華本宮主司肝臟

太山主鬼者

太山主者管領鬼神公事即東嶽聖帝是也太即泰也山在兗州為五嶽之宗故曰岱宗屬東方木乃為生化之地

急校三官中

校錄天地水三元三官官府中所有生死罪福急者不疾而速也三元官府百二十曹每年正七十三會考校不差

十德初成基

十德中央之土數主脾胃穀炁以生津液蓋十德為成金之福基鷄有五德人有十德物類咸有一德人之明德天之所賦人物之所稟受无虧无欠而情欲所蔽所以昏昧故元始欲令人修飾此道以為全德之根此謂知本在明明德也十德具在下

卷第八章玄契中載茲不重贅

同飛七覺元

悟則圓覺不悟則凡夫七覺者心也心之神上通眼鼻舌七竅故七竅開聰七星朗明與此同升七元斗中七覺者識神也一

則生而知之二則知而能見三則見而能從四則從而能習五則習而能堅六則堅而能成七則成而不居此謂之七覺也人能行之進登妙行得成飛仙

右件玉章天篆計六十字上鎮虛無越衛

天下統第二壘皇德君

玄契曰誦之七遍七元斗辰皇妃下降為此削落死籍終注南宮萬炁齊超得飛仙門

元始天玉曰文曰天綱上章庚寅 離 咸

融炁生炎炁其色丹凝成東南天境號高虛清明天此天精蒐通陽之炁主極陰宮帝真華府命元真靈化凝之炁生三部八

景

太素三華炁

三華三部也每部八節又曰三華即神炁精也三素元母雖一之神於子時聚下元午時中元酉時上元三宮升降

晨登廣靈堂

廣靈堂心府也以鷄鳴之初登朝絳宮蓋

陽炁初生也三素元母亦効奏罪福之神

呈世人罪狀故侵晨誦經却之

玉京表玄籍

玉京山諸仙版籍所在人之修通常以子時一陽初動靜坐澄心以朝萬炁以遊人

神奏順天上之罪福於玉帝前

守命核道康

桃康君守臍之令門王叔和以右腎為命門人之生死皆在腎腎絕則命脉絕一本

核作孩誤又桃核合延生華芒

回風散萬魔

當其子時陰陽混合以成帝一之道故能除散萬魔陽生而陰息矣君子道長小人

道消之時也乃回風混合之道

金符召廣鄉

以金符召於廣漢之鄉極陰之境使冤爽

咸得受生一本云度鄉可疑廣鄉者此陰

鄭都也腎部屬水金能生水也

輔衛地戶內

呵護輔弼於地戶蓋存下田以受生炁書

曰顧誤天之明命是也地戶乃下部命門

當受借輔衛之不以色慾敗之

保此長生王

在天則有玉清真王長生大帝專主生化

之權在人則存心保守我長生不死之王

轉入十仙門

即浩劫不壞元神為聖胎根本

妙行觀門仙有十種門者无礙門定觀門

衆妙門希夷門自在門長生門進仙門飛

仙門飛神門登真門之類是也

八景齊洞陽

八景八門皆身中所具之門戶為神炁之所出入又曰三部八景齊入洞陽之宮未

天下統第二壘皇德君

玄契曰輔之八過八景神生八威神王疆

護修真四方八天注舉仙名斬絕地戶永

斷惡根萬炁齊明得飛神門

元始天王曰文昌大洞五章第九辛卯 壬辰 恒道

炎炁生演炁其色白故成西南天境號无

想无結无礙天此大精寔明陽之炁主下

丹田宮帝真微府命元自然玄照之炁闌

通九竅

紫精毓華林

紫精字凡四見皆天名至有說外今并解

註上卷一章高上宴紫清下卷一章逸綠

登紫清皆元始所都之天上卷六章紫精

太无中蓋紫精天乃三元之炁凝而成天

有道君主之名曰三元紫精若此卷九章

紫精毓華林乃上清境紫精天有毓華林

葉如竹華如鏡實如李天人得而食之長

年不老而登上仙古詩紫精天上毓華林

絳實朱柯竹葉深咀嚼紫英人老下觀

鳥免換光陰然非下界所能見也在人則

腎水黑心火赤二炁交媾化為純陽紫金精華成林華茂果實自己真人贊之亦可致長生之道如生神章耀玉葩黃華野森瓊林之柯於命門文昌經亦曰丹林森朱柯皆同此意以喻人之所養也

長眠太元外

眠者一定不動之謂如人睡而不去太元者虛寂中也如布袋和尚陳希夷一睡數月塵積遍體蓋其息定也

玉房生寶雲

玉房一云眉間乃臟腑關節之竅也自然生五色雲炁蓋生炁則生神也經有金房玉室紫戶玉關一時生神同義

九扇胞胎內

九轉九還丹道成矣受胎九月九炁合成人道完矣此一節謂八月已滿進臨九月炁滿神具聖胎完全待時而動

帝賓奉玉符

帝君奉玉符非也第六章有真陽帝賓老蓋帝賓乃陽神主祛陰邪奉玉符而行事

如國之三老奉上命而正議也

三光回紫蓋

天上三光日月星人之三光兩目與心日月失度星辰留伏天地災變目有所惑心有所感身體傾危回紫蓋者以其目不視

恐色耳不聽惡聲收視反聽則神全而炁凝紫蓋无所不覆故人以兩目為九竅之華蓋光明也日月星能照天地雙目與心能顧一身不令外物之所蔽

蒼玉斌來生

瑛珠者石如玉也所以亂玉者今變而為真玉矣節中黑炁君名斌來生專主內明人之德蒼或作倉非蓋蒼蒼之玉謂有文縷生也玉以比德苟不至德至道不凝焉內有所蘊光彩發泄於外如玉之在山草木无不冲秀珠之在湘江河无不溼湛寶之在懷面部光澤身體康健耳

衛此長夜會

長夜會在絳宮是為靈府血所生之處覺則長明不覺則長夜衛者匡救其惡也不

能愛惜者冥冥長夜何時旦也

五靈度符籍

五靈者即青靈丹靈暗靈玄靈黃靈也度者授也五老檢我長生之符籍矣茅山玉經无以下六句蓋止於此而已

九統合九光

九統之法以會帝九光之符以集神此乃回風混合之道數遇九則陽已盛此陽純而不已也大洞經自一炁生二炁三炁生九炁九陽為極之數極則變故變為三十

六所以此經三十六章有雌一帝真九光聖母專主生育之事或曰元經必悞統紀也上古九皇時有九紀出古典

三玄出太清

三玄即三三九玄也出太清者下田也外應北都羅鄧內應雙腎言祖補超出此界之外則神升九天永為真人矣

紫陽發萬生

紫陽玉價乃注生之府所以發越萬世生根而萬神皆備人无貴賤一是出於紫陽

發生此生生之理永不息矣

玄精育九靈

玄精育乃九寃名天以址為玄人以此為
玄九靈即心之九竅九玄受生即因九寃
得育方結胞胎故灌質太陽

元父結胎仙

元父見前註元父心之官則思亦意也胎
仙者有蒸而无息也下卷云紫華領胎仙
黃庭云琴心三疊舞胎仙同義

右件玉童天篆計七十字上鎮赤明和陽

天下統第三壘石脂色地上皇君

玄契曰誦之九遍九統帝會九光神集混
合百神與天齊年八會游集朝應九天萬
蒸齊仙得登真門

元始天王曰文昌大洞玉童第十
十月營園神胎神化癸巳甲午大壯晉

梵清景蒸其色青黃白凝成中央天境號

波黎答和天此天中陽之蒸主中元黃庭
宮帝真冲和之蒸降神布蒸堅固形質生
於人道

青靈扇八極

東方始老乃發生之地故扇動八極世界
八極乃四正四維是也八卦乾坎艮震巽
離坤兌八門開休生傷杜景死驚

鼓輪三華城

三華神蒸精也藏者三華所居之地青靈

之蒸鼓動發生意也輪舌神名言人鼓動

舌根攬取華池津液灌漑三田

披此胞胎結

披一云披生神章云斬伐胞胎掛帶此意亦

同披拂也解也解其胞胎結習之根也生

神章經云胎結解根即此義爾

七祖受福生

九玄七祖受此福惠而得生天受用快樂

若能精進修持不輟升无色天登不退轉

地竟陞上真大羅三境侍臣之位

宿對滅五道

生神章云對盡大運通之對除其宿昔之

仇對消滅五道凶惡之事五道者地獄餓

鬼畜生脩羅禽蟲等難得出離

常守帝一營

茅山於此分作兩章雌一雄一帝一謂之

三一之道今惟守帝一營塞蓋尊大洞帝

一也藏教有雌一經雄一經

公子執五符

左无英公子玄元叔字合符乘東方九陽

生蒸執把五靈之符發育萬物招集肝臟

中九寃神流布天下人道生矣

太一居紫房

太一在頭即紫戶也人身中皆有金樞玉

室紫戶瓊宮紫戶者泥丸之別室也太一

君居之掌管列仙得道之籍

三合地戶下

三蒸合德三合成音以生蒸合於下元官

地戶下是死戶也乾為天門巽為地戶即

下田是也巳於輔衛地戶下註

拔命玉帝官

以人合生之命勝拔出躋之於玉帝官在

頭上腦中是也玉京山有玉帝宮上元所

主天仙所居修道作善人方到此

少女柳墨子

真人十信十善十華十德入衆妙門

玉清无極總真文昌大洞仙經



玉清无極總真文昌大洞仙經卷之五 五

通言爾時

東蜀蓬萊山中陽子術琪註

此卷以六根并性命精血津液手足等修證妙行若六根清淨不墮鄼都六洞所謂六洞者射絕陰天奉殺諫事宗天明晨耐犯武城天恬照罪炁天宗靈七非天敢司達宛屢天性命清淨不墮五獄地獄精血清淨不墮水府地獄手足清淨不墮九幽一十八獄津液清淨能生无英白元太一司命桃康等五神共得十通妙行文昌大洞經行於蜀者久矣而蜀本尚有說舛蓋自來无人考驗諸實而板行之字經三寫烏焉成焉且如經首道言爾時四字乃玉宸道君所叙當時天王說經如此起發因緣亦猶佛經如是我聞論語子曰之類是也故不可缺略當添置之琪寧受專擅之責成全經旨凡經皆有叙分正宗分流通分舊本无此四字是无叙分當以道言已下為叙分三十六章為正宗分結經為流

通分且此經行於蜀何也蓋元皇帝君始生於吳會即姑蘇是也獲受此經而證果為蜀神仍將此經開化人天元皇再生於丁未帝命為南斗陽官乃注生之司也於是析嗣者多待焉始知文昌即南昌也詮德鈞物長養之職按史記景德末樂學士為西京留臺御史忽夢一人具冠服稱帝命來召樂遂往俄見官闕壯麗因問使者曰此帝所也既陞見帝謂曰汝主求嗣者為擇之少頃選一人至帝曰中原求嗣汝往勿辭其人頓首求免者三帝曰往哉修拱立者曰此南昌赤脚仙李守微也明年果生仁宗是知文昌為嗣祿之司者明矣此經每句主一事人能行得一句亦可作上仙况全帙持誦豈无報應乎夫今世有為黃冠至老死不知有文昌大洞經之名者有見經中不言善惡報應之說而東之高闕者有心雖好誦而不知義理者且善惡報應未嘗不言謂如拔出五苦毒超形過始青若无罪安到五苦若无福安到始